

mumque omnium virorum fortium ituri in
 praelia canunt. Sunt illis hæc quoque carmina:
 quorum relatu, quem Barditum vocant, accen-
 dunt animos, futuræque pugnae fortunam ipso
 cantu augurantur. terrent enim, trepidantve,
 prout sonuit acies. nec tam vocis ille quam
 virtutis concentus videtur. affectatur præcipue
 asperitas soni, & fractum murmur objectis ad
 os scutis, quo plenior & gravior vox repercus-
 su intumescat. Ceterum & Ulixem quidam
 opinantur, longo illo & fabuloso errore in hunc
 Oceanum delatum, adisse Germaniæ terras,
 Asciburgiumque, quod in ripa Rheni situm ho-
 dieque incolitur, ab illo constitutum, nomina-
 tumque ἀσκιπύργιον. Aram quin etiam Ulixi
 consecratam, adjecto Laërte patris nomine, eo-
 dem loco olim repertam: monumentaque, &
 tumulos quosdam Græcis literis inscriptos in
 confinio Germaniæ Rhætiæque adhuc exstare.
 Quæ neque affirmare argumentis, neque refel-
 lere in animo est: ex ingenio suo quisque de-
 mat vel addat fidem. Ipse eorum opinionibus CAP. IV.
 accedo, qui Germaniæ populos nullis (alijs)
 aliarum nationum connubijs infectos, propriam